

նաց (1534) բազում գովութեամբ խօսին զամանէ Յոյնք՝ բայց խառնեալ 'ի նմա ստութիւն, որպէս այս թէ՛ նորոգեաց Գերմանոս զգերեզմանն Դրիստոսի և զկապար մեծի գմբեթին, բայց յայտնի երեւի 'ի դատաստանական գրի թէ՛ Լատինք արարին զայն։ Եւ 'ի ժամանակի սորա պատահեցաւ երկրաշարժ յերուսաղէմ, և փնասեցաւ զանդակատունն առ դրան Ս. Յարութեան, և ոմանք 'ի քարանց անկեալ իցեն 'ի վերայ գմբեթի տաճարին և փնասեալ զայն, և աշտարակն մնաց աւերակ մինչեւ ցայսօր։ Նոյնպէս եւ զանդակատունն Բեթղէհէմիւ Արդ՝ զանդակատունն Ս. Յարութեան աւերեաց Սալահատտին։ Թէպէտ զինի ժամանակաց կամեցան Յոյնք նորոգել զայն, այլ չեղեւ հրաման, որպէս ունիմք գրել յիւրում տեղւոջ։ Իսկ զանդակատունն Բեթղէհէմիւ, զինի ժամանակաց Յոյնք փոխեցին զայն 'ի սենեակ, և այժմ խառնեալ է ընդ շինուածս վանաց։

Գրէ Տոսիթիոս Պատրիարքն Յունաց 'ի պատմութեան երուսաղէմի թէ՛ եկեղեցին Բեթղէհէմի էր 'ի ձեռս Յունաց, և յաւուր Ճրագալուցի Զատիկին եկին ամենայն միաբանք տեղւոյն յերուսաղէմ տեսանել զհանդէս լուսաւորութեան, և թողին անդ զլուսարարն միայն, եւ նորա եւս ցանկացեալ գնալ յերուսաղէմ, յանձն արար զբանալիս եկեղեցւոյն միում 'ի կրօնաւորացն Լատինաց, պատուիրեալ նմա յարգարել զկանթեղընս այրին, և յաւուրն երկրորդի իբրեւ դարձաւ 'ի տեղի իւր 'ի Բեթղէհէմ՝ և խնդրեաց 'ի նմանէ զխականս եկեղեցւոյն, նա ոչ կամեցաւ տալ։ Լուեալ զայս Յունաց յերուսաղէմ, կոչեցին զԼատինս 'ի դատարան։ սակայն Լատինք՝ ասէ, որսացեալ էին յառաջագոյն 'ի կողմն իւրեանց զդատաւորն, և այսպիսի եղանակաւ տիրեցին եկեղեցւոյն Բեթղէհէմի։

